



**Antoninus Diana Panormitanus, Clericus Regularis, Doctor  
Celeberrimus, Coram S. D. N. Alexandro VII. Episcoporum  
Examinator, & Sancti Officij Regni Siciliæ Consultor,  
Coordinatus, Seu Omnes ...**

**Diana, Antonino**

**Lugduni, M. DC. LXXX.**

15. Breuis disgresso de gestatione Pontificis super humeros, & cum Regno  
in capite, quod vulgo Chamaurus appellatur. Ex part. 11. tr. addit. 1. res.  
etiam 15.

---

[urn:nbn:de:hbz:466:1-76442](https://nbn-resolving.de/urn:nbn:de:hbz:466:1-76442)

2. Primo igitur diuidi potest obseruaria in politicam, & religiosam, politica est, quæ ob dignitatem politicam, vel excellentiam humanam cultum defert; talis est qua coluntur Principes, Magistratus, & alij dignitate sæculari conspicui; item magistri à discipulis, domini à seruis, patroni à clientibus.

3. Religiosa est, quæ ob dignitatem, vel perfectionem cœm Religionem coniunctam, vel diuinum numen respicientem cultum exhibet; vt quando quis honoratur vt Sacerdos, vt Prophetæ, vt Sanctus, vt Beatus. Dicitur Religiosa, non quia actus eius est à virtute Religionis, sed quia ipsi Religioni affinis, & cum ea coniunctus.

4. Hæc rursus duplex est: alia enim est naturalis, qualis fuisset in statu nuda natura, & modo esse potest vbi Sacerdotium, & cultus dicimus sola ratione naturali vel constat, vel assimilatur. Alia supernaturalis, quæ ob ministerium supernaturale, vel ob aliquam excellentiam supernaturalem cultum defert; talis est, qua honorantur Sacerdotes, Episcopi, Pontifices, & alij Ecclesiæ Ministri, & Religiōsi: si tamen corum dignitas apprehendatur, & admittetur, vt oportet. Cum enim hac non sit politica, sed supernaturalis, & ad Deum specialem ordinem habeat, necesse eriam est, vt estimatio interna affectus, reverentia, animique submissio sit alterius rationis, quam in cultu politico; & consequenter externus quoque cultus, quo hanc submissionem nostram, & illorum excellentiam testamur, induit alterius virtutis rationem; signum enim accipit speciem ex ordine ad rem signatam. Multum ergo falluntur heretici, cum putant homines in hac vita non posse, nisi cultu politico coli; et si externa nota submissionis politico cultui, accommodetur.

5. Supernaturalis obseruaria diuiditur in duliam, & hyperduliam. Dulia dicitur, quæ cultum exhibet Beatis ob sanctitatem, vel beatitudinis statum; eandem puto etiam extendi ad viatores, quando ob sanctitatem, vel dignitatem supernaturalem honorantur; sanctitas enim hujus vite, & futura, est eiusdem ordinis, est ibi sit perfectior. Haec enim Lessius, qui vt vidisti, adorationem, qua Summus Pontificem veneramus, ad adoracionem Dulie reducit, quia non solum Beatis in Cœlo, sed etiam viatoribus adhuc in terra exhibetur potest.

6. Sed audiamus Patrem Nicolaum Baldellum in *Theol. mor. tom. 2. lib. 3. disput. 117. num. 9.* ita loquente, & nostram sententiam confirmantem Reclè (ait) potest dici, quod hic habitus se extendit ad cultum Sanctorum non modo post mortem, & dum regnant in Cœlo, sed etiam dum vivunt, & sunt in humanis; est enim etiam sanctitas in hac vita eiusdem rationis cum sanctitate in alia, eiisque cultus, & veneratio simul proficisciuit ex eodem dictamine fidei, & ex eodem affectu Religionis, & pietatis.

7. Et propter has rationes, quod se extendat hæc eadem virtus, etiam ad cultum, qui aliquibus exhibetur specialiter propter aliqua dona, aut potestates, aut prærogatiwas supernaturales, vt, quando honoratur, v. g. Summus Pontifex, quia est Vicarius Christi, vel aliquis alius, quia est Sacerdos, vel Prophetæ, vel Evangelicus, & Apostolicus Prædicator, &c. exhibent enim sine dubio hi omnes honores ex sola fide, & ex affectu Religionis; & idem ad illos bene potest se extendere virtus dulie, cum hic etiam cultus nou sit solum ciuilis,

sed Religiosus, & sacer. Et quemadmodum res sacra, quæ ordinantur aliquomodo ad Eucharistiam, & ad Christum, ad eantur ex eadem virtute latræ, ex qua adoratur ipsa Eucharistia, & Christus, ita & Sacerdotes, & Prædicatores, & Prophetæ in quantum sunt Ministri, & instrumenta sanctitatis, redde possunt adorari dulia, Ita Baldellus. Et ideo nostram sententiam sequitur Anton. Mazaronius *tract. de ador. & ofcul. pedum Pontificis cap. 1.* vbi testatur de communi sententia Doctorum assertum, adorationem Pontificiam pertinere ad duliam. Dico igitur latram, & hyperduliam ad Deum, & Beatum Virginem Speciam; duliam vero non solum Sanctis in Cœlo existentibus, sed etiam viatoribus adhibetur; & hoc non solum propter eminentum sanctitatem, sed etiam propter dignitatem, gradum, ministerium, & quidem efficitur in Summo Pontifice.

#### R E S O L . X V.

*Brenis digressio de gestatione Pontificis super humeros, & cum Regio in capite, quod vulgo Chamaurus appellatur. Ex. patt. 11. tractat. addit. 1. Resolut. etiam 15.*

9. 1. P ræsentim Pontificem reuerenter adoramus, cum in quibusdam diebus solemnioribus procedit ad Capellam gestatus super humeros cum tiara in capite, de quibus in gratiam Lectionum hic pauca perattangam, & de leuatione super humeros, affero de hoc more agere Barboſam de *inr. Eccl. lib. 1. cap. 2. num. 90.* & ex illo Machadus de *perf. Confess. tom. 2. libro 4. part. 7. tractat. 4. docum. 18. num. 3.* vbi sic ait: [Es tambien privilegio del Pontifice, aunque no de Derecho, sino de costumbre, y devocion de los fieles, que sea llevado publicamente, y con solemnidad en ombros dellos; i que todos grandes y pequeños sin exceptuar los Emperadores, Reyes, y Monarcas del mundo en reconocimiento de su grandeza, y suma pedestad le besen los pies de rodillas, protestando con esta humilde, y piadosa accion la obediencia, y sujecion, que todos deuen a la sede Apostolica y sus Pontifices.

2. Vnde ex his Joseph Stephanus in *tractatulo de hac materia* ad Antonium Cardinalem Caraffam, post multa sic asserit: Constat igitur Pontificem Maximum à sellariis, (id est lectorariis hominibus) per Vrbem in sellari (id est in sella curuli insigni) delatum fuisse, & ab ea descendente obuiis manibus (vt ait ordo Romanus) exceptum. Quod multorum Pontificum exemplis aperte demonstrari potest. Nam Stephanus I. vt refert Platina, & Franciscus Ioannetus *capite 90.* humeris in Basiliacam Constantianam, & inde Lateranam delatus est; & Hadrianus II. in Lateranensem Ecclesiam a Clero, & proceribus deportatus, vt habeat *dist. 63. c. 63.* ... Cum Hadrianus II. ad Romanum Pontificatum ab Ecclesia Dei genitricis Dominæ nostræ, quæ dicitur ad Præsepe trahetur ad Lateranense Patriarchium: certatim a Clero, & proceribus & plebe deportatus est.

3. Leo etiam VIII. cum Summus, & vniuersalis Papa Romana Ecclesiæ tertio fuisse acclamatus ad Lateranense Palatum secundum consuetudinem cum laudibus ducitur, vt ait Luitprandus *lib. 6. cap. 11.* Et certo tempore in Ecclesia sancti Petri ad sumnum Sacerdotium facta consecratio tollitur

# Qua Sum. Pont. Cathol. ven. Resol. XV. 333

attollitur Gregorius I X. auróque circumcinctus ad Lateranum ducitur.

4. Quod planè cíquam mirum videri non debet, cùm ab Isaiā hæc Pontificū celebris gestatio prædicta iam fuerit cap. 49. & assertens filios tuos in vlnis, & filias iupet humeros portabunt; ea quidem causa, quia in magno pretio a mundi Principibus futuri erant Ecclesiæ Præsides; nec aliquid honoris, studij, officiique genus ab illis prætermissum, quod Ecclesiæ magistratibus consonum videretur. Accedit hue, idè Pontificem in altum deferri oportere, vt populum, ouësque Christi sibi creditas cícumspicere, eisque faulta precatione benedicere, & populi rursus illum in sublimi loco præsidentem commode spectare, & ex vultu pæstorem possent agnoscere: vt inde protectionem fidei conciperent maximam, quod aspicerent Christi Vicarium, & Petri, in eo quasi throno gloriae successorem. Hucusque Stephanus.

5. Et quidem hic mos apud veteres extetiss. pet. ex Herodiano lib. 7. ita afferente: Erat puer quidam infans ex Gordiani filiis natus, nomen aut refrens, hinc submissis quibusdam, afferri ad se iusserunt, qui cùm domi ludibandum offenserint, impositum in humeros per medianum ferebant multitudinem, plebi ostentantes, ac nepotulum Gordiani dicitantes, vocantesque eum nominatum, populo acclamantes, & convergente puerum frondibus. Hinc Cornelius Tacitus lib. 7. afferuit: Impositosque scuto more gentis, & sustinuentum humeris vibratus, Dux eligitur; de cuius quidem more, lege Pithocum lib. 2. aduersiorum cap. 6. & Principes olim succollari, & gestari humeris, patet in Othono apud Sueton. in eius vita cap. 6. & quidem pietatem Christianorum, & maiestatem Pontificis, quando egreditur ad celebrandum in magnis festiuitatibus inuenio graphicæ descriptam in illis Virgilij lib. 4. Georg.

*Illum admirantur, & omnes  
Circstant frenitis denso, & pantque frequentes,  
Et sapienti humeris.*

6. Quod gestationem verò Regni in capite, quod Pontifex in illis diebus gerit, liber hoc adducere verba Patris Raynaudi in *Onomastico Pontificio subnotat.* 3. fruct. 1. ita eruditè loquentis: Eam verò tanquam luculentum Hieroglyphicum exprimit Pontificia tiara, seu mitra, ac Regnum. Ita vocant textum è tribus coronis, quarum quæ media est, cumulat eam, qua in loco ponitur; sicut ipsa media cumulatur à tercia, & summa. Iulius Bullengerus l. de vestimentis sacris cap. 4. ex Innocentio III. mitram, & Regnum, seu coronam discriminat; sed Paschalius l. 9. de coronis. cap. 14. duo illa in Pontificio Regno nocti docet, & multus est in exquirendis variis rationibus stricte triplici corona ornamenti: quod diffusè quoque prosequutus est Antonius Mazzarionius tral. de tribus coronis Pontificis Maximi, cap. 3. Ratio triplicis illius corona Pontificia, quam profert Wolfgangus Lazius l. 2. comment. Reip. Rom. cap. 3. minime omnium placet. Ait, triplicem esse Romanii Pontificis coronam, quia sub Patriarchatu suo habet Italianam, Illirycum, & Africam. Hæc ratio est insufficientissima. Nam Romanus Pontifex est Patriarcha Occidentis, nec illis dumtaxat tribus Provinciis summo spirituali iure praest, sed tribus vniuersi orbis partibus; vt proinde debuerit Lazius rationem potius petere ex subiectis Pontifici tribus, hoc est omnibus planè Christianis. Quod si rationem habere placeat illius distributionis regionum, quia indulxit aliis Patriarchiis immediatam regionem quarundam regionum saluis filii semper excubiliis, quas ei potestas Petri inabdicabiliter com-

mittit; ne sic quidem ad ternarium Provinciarum arcenda est immediata eius rectio. Nam Patriarchatu Romano sub sunt multò plures Provinciae, quæ tres enumeratae, vt Germania, & totus Septentrio, Gallia, Britannia major, maior Hispania, quarum regionum quælibet potentior est, quæ Italia, Itaque Pontifex non iam ternas, sed septenas, vel octonas, aut etiam plures gestare coronas deberet, si Lazij ratio esset idonea. Probabiliora sunt quæ Caesar Costa l. 1. varia, ambiguitatum cap. 1. in hanc rem proferre, ex tripartito Christi Regno, Vicaria Romani Pontificis præfectura spirituali obnoxia, tribus tituli Cracis idiomaticis expresso, vt Sanctus Chrysostomus in cap. 19. Ioann. Philosophatur. Item ex triplici corona Pontificibus debita, quarum unam habeant vi. Summi Sacerdotes aliam ex Constantini Magni donatione, tertiam ex munere Clodoci Regis Francorum, vt Anastasius in Hornimda memorat. Mazzarionius cap. illo 3. huc aduocat mulierem Ägyptianum tribus regis coronis decoram, vt exhibere ut foisse filiam, vxorem, ac matrem Regis, quod refert ex Piero lib. 41. hierogl. V. Annulus, aptaque ad Ecclesiæ Vicarij Christi filiam, & sponsam, ac matrem. Addit etiam tres coronas Lungæ Reginae ex Ludovico Cœlio lib. 1. cap. 19. Subtilius, & accuratius philosophatus est in hanc rem Carolus Pachalius dicto cap. 14. Sed mihi appositè philosophatus videbor, si dixerit, triforme hoc culmen Pontifici competere, vt præcesset eius maiestatis, ad celestia, terrena, & inferna pertinentis, hieroglyphicum luculentum. Nam & in terris arbitrio pro Christo sedet: & quidquid resolut in terris arbitrio, erit solutum super Cœlum: & pro animabus reatus temporari reliquacribus ignes emendatarios sustinentibus, litrum ex Christi fisco sibi commisso potest annumerare. Quid quod vel ipsa sola in superstites fideles potestas, tam protensa, vt nullum non comprehendat, tam fundata, vt nulla vi, nullis portarum Inferi motibus disfici vñquam potuerit; tam nobilis, vt quod nulla alia magnorum, qui sunt in terra iurisdictione habet, sola sit supernaturalis, omnibus denique eximia, & præcellentissima Monarchia prærogatiis conspicua, triforme illo coronatum textu, perfectam fidem omnium sub huius spiritualis potestatis iura subiectionem insinuante, meritissime expresa est; Et hæc omnia docet Raynaudus ubi supra.

7. De hac corona mentionem facit Innocentius III. serm. 3. de coronatione Pontificis, Ecclesia sponsa non nupsit vacua (loquitur de se ipso) sed dotem mihi tribuit absque pretio pretiosam spiritualium plenitudinem, & latitudinem temporalium; magnitudinem, & multitudinem vtrorumque. In signum spiritualium contulit mihi mitram (loquitur enim de se Innocentius Papa) in signum temporalium, dedit mihi coronam, mitram pro Sacerdotio, coronam pro Regno illius me constituens in Vicarium, qui habet in vestimento, & fæmore suo scriptum, Rex Regum, & Dominus dominantium.

Sed agè nunc de Mitra, & Regia Corona aliiquid dicamus, vt quantum Ecclesiasticis moribus, hæc ornamenta accommodata videantur, breuiter explicemus.

8. Mitra igitur apud Suidam capit. redimiculum dicitur; & l. 28. ff. de auro, & argento legat. vt explicat Brissoni. Apud Eusebium lib. 2. cap. 1. fine lamina nominatur, qua Iacobus frater Domini ornatus est quamprimum ab Apostolis in Episcopum Hierosolymitanum fuit consecratus. Quod planè ornamenti genus licet ab Aaron, & eius filiis originem duxerit, postea tamen in Ecclesiam translatum est, vt eo om-

nes

nes omnium fere nationum Episcopi vterentur. Polyctetes Ephesus laminam gestavit, ut ait Eusebius lib. 3. cap. 21. cum Ephesi sacerdotio fungeretur. Alij quoque Pontifices omnia fere Sacerdotum veterum ornamenta, talare tunicam, stolam, seu celestem gloriae coronam, hoc est mitram apud Eusebium lib. 10. cap. 4. gestabant, ut ornatiores, & insigniores apparerent, & de iis plura Amalarus, Rabbanus, & alijs grauissimi authores docuerunt.

9. Sed haec quidem, quae de mitra dicuntur, multorum hominum consensione recepta, ac comprobata sunt: quae vero de Regno, seu Regni corona explicari debent, non nullis sunt tenebris inuoluta, quae pro ingenio tenuitate, disolvantur.

10. Sed non deserunt alii edicere, hoc ornamenti genus a Constantino Magno originem duxisse, ut ex actis B. Sylvesteri colligatur. Quam sententiam omnes Pontifices amplectuntur, ut Leo I X. epist. adversus presumptionem Michaelis cap. 13. & Innocentius II I. serm. 1. de B. Sylvistro confirmauit: Constantinus secedens Byzantium coronam capituli sui voluit B. Sylvistro conferre, sed ipse pro reuerentia clericalis corona, vel utilitatis causa noluit eam portare. Verum tamen pro diademate Regio, vtitur aurifrigio circulati: & paulo post, Romanus itaque Pontifex in signum Imperij vtitur Regno, & in signum Pontificij vtitur mitra; sed mitra semper, & vbiique vtitur, quia Pontificalis auctoritas est prior, & dignior, & diffusior, quam Imperialis.

11. Et hanc sententiam tenet Joseph Stephanus in lib. de coronat. Romani Pontificis, qui plura etiam circa hanc materiam adducit: Hoc unum ego addam, ad hunc morem alleculi Joannem in Apoc. 14. v. 14. dum ait: Et ecce super nubem candidam sedentem similem Filio hominis, habentem in capite suo coronam auream: quae quidem verba Cornelius a Lapide exponens, obseruat, Aureolum per hunc Angelum accepisse Stephanum Papam: sed magis generice dixit Iaia cap. 61. ver. 10. Gaudens gaudebo in Domino, & exultabit anima mea in Deo meo, quia induit me vestimenta salutis & indumento justitiae circumdedi me, quasi sponsum decoratum corona; Summus enim Pontifex sponsus Ecclesie vocatur a Concilio Generali Lugdunensi, adducto in cap. ubi periculum, de elect. in 6. & ibidem cap. Quoniam, de immunitate, Turectemata lib. 3. summa Ecclesie a cap. 27. usque ad 31. cum aliis, ergo merito dicendum est, quod de illo afferri Propheta corona decoratum fuisse. Vnde Cornelius a Lapide exponens locum supradictum Iaiae, nostram sententiam confirmare videtur; sic enim ait. Porro alludit ad vestes, & ornatum Pontificis Exod. 28. qui mirus erat vti & apud Christianos est. Ita Cornelius.

12. Sed hic obiter detestanda veniunt verba insani Hotomanni contra Bullam Sixti V. cap. 2. sic debacchantis, vocare Romanum Pontificem sponsum Ecclesie, esse blasphemiam qua nulla vniquam ex Erebbo prodierit capitalior, aut detestabilior, cum id sit Pontificem statuere procum Reginae, & Regi Regum cornua appingere. Ita ille. O lingua præscindenda! o manus detruncanda! sic hereticus. Nonne Christus est Caput Ecclesie verè quidem: nam de ipso dixit Paulus: Et ipse est caput corporis Ecclesie; & tamen Pontifex dicitur etiam Ecclesie caput, ut vocavit illum Concilium Chalcedonense epist. ad Sanctum Leonem, & exponit Gabriel lect. 3. in can. à littera E. usque ad litteram G. Quare ergo non possumus vocare & Christum, & Pontificem sponsum Ecclesie decoratum quidem corona. Itaque quando illum sic vocamus, neque Reginae procum, neque Christo riyalem inducimus, qui Christum &

vnum, & solam primarium Ecclesie sponsum novimus, cuius non Patris semine cœlesti satos, & in spem æterna hereditatis ab eo solo obuentur, progenitos gratularimur. Sicut tamen alios suos titulos Christus, qua est erga genus nostrum benignitate, cum plerisque puris hominibus communes esse volunt, ac nominantur, qua erga Romanum Pontificem Vicarium suum est gratia, plerosque titulorum sibi principaliter propriorum, illi communicate dignatus est (vocatur enim Christo ipso auctore pastor ovilis, & Ecclesie caput, utique visibile, ac Christo per omnia subordinatum) ita vt de sponsi Ecclesie titulo eidem Pontifici attributo philosphemur circa Christi iniuriam, inquit cum summo eius honore, & summe erga nos prouidentia suspicione.

13. Itaque contra Hotomannum, & alios hereticos, recte vocatur Pontifex sponsus Ecclesie, & corona decoratus, ut dixit supra Iaia, ac non solum una, sed tribus, ut portat in sua sacra tiara; sed quare tribus? Audisti antea ingeniosam expositionem Raynaldi, audi & aliam Iosephi Stephani ubi supra. Merito ait: triplum coronam capituli approbat Pontifex Maximus, ut se aliis Regibus gloria, auctoritate, ac rebus gestis superiore ostenderet. Ita illle.

14. Hinc modestè dicendum est, loquutum fuisse Symmachum Papam in Apologet. ad Anastasium Imperatorem, dum dixit: Conferamus honorem Imperatoris cum honore Pontificis; inter quos tantum distat, quantum quid ille curam rerum humanarum gerit, iste divinarum. Tu Imperator, a Pontifice baptismum accipis, Sacra menta sumis, orationem poscis, benedictionem speras, penitentiam rogas. Postrem tu humanae administras, ille tibi divina dispensat. Itaque ut non dicam superior, certe aequalis honor est. Nec te putas mundi pompa præcellere, quia quod infinitum est Dei, fortius est hominibus. Modestè dixi loquutum fuisse Symmachum; nam non æquari tantum, sed longè anteferri oportuit spirituali Imperium supremum, cuicunque temporali. Et ideo S. Bernardus loquens cum Eugenio lib. 2. de consider. cap. 1. dicit: Parent super terram non habes. Et Michael Imperator apud Sangallensem lib. 1. de rebus Caroli Magni cap. 28. Ille Papa Regnum habet per se, & nostro præstantius. Et quidem principatus inferior, qualis in unoquoque Episcopo cernitur, ut tradidit Rodericus Episcopus Zamorensis lib. 2. Specul. vite humana cap. 1. Chrysostomus lib. 3. de Sacerdot. in initio. & homil. 5. de verbis Iaiae: Vidi Dominum in initio. Clemens Romanus lib. 2. confit. cap. 34. & alij, improprietabiliter, & inadæquabiliter supererat Imperium quodecumque terrenum. Ideoque nulquam legimus eo honore affectos Imperatores, quo affectum legimus supremam spiritualem Principem, Romanum Pontificem, reverentiam ab eius conspicu, & dignatorum beata eius præsentia, pedibus figurant oscula, & vestium parte rapiantur, ac pro reliquis asseruentur. Quod facere Äthiopas, suis Roma reverentibus, scribit ad Eugenium Papam anno 2441. Nicodemus Abbas Vicarius Patriarchæ Äthiopicæ, Iacobum Navarrum, ex quo Sanderus lib. 6. Monach. num. 1122.

15. Merito igitur Pontifex tribus coronis ornatur, ut observat Stephanus ubi supra, stante ejus auctoritate super omnes Reges, vnde Damiani vocavit illum Regem Regum, & Principe Imperatorum, & quia eius verba sunt pulchra, ponam illa per extensum: respondebat enim ad quæsumus, quare Pontifices celeti morte defungantur, itavt non attinquent dies Petri, sic itaque ait opus c. 23. cap. 1. Videntur nobis, quia idcirco hoc cœlestis judicij ordo disponit,

ut humano generi metum mortis incutiat, & quam despicienda sit temporis vita gloria, in ipso principatu evidenter ostendas, quatenus dum praecipuis hominum, tam angusti temporis compendio moritur; tremefactus quisque ad praestolandum sui obitus custodiam provocetur; dum cacumen, aut verticem suum tam facile corrue considerat, statu concusla formidinis, in suis vndeque ramusculis contremiscat. Addit postea Damianus, Deum id potius assequi morte Pontificis, quam morte Regum, & Imperatorum: Quia (ait ille) cum unus omni mundo Papa praesideat, Reges autem plurimos sua cuiusque Regni meta concludat, quilibet Imperator ad Papam vobigia corruit, tanquam Rex Regum, & princeps Imperatorum, cunctos in carne viuentes honore, ac dignitate praecellit. Vnde quolibet Rego defuncto, administratione eius, Regnum tantummodo, cui praetererat, destituitur. Cum vero Sedis Apostolica Pontifex moritur, viuens tanquam communis Patre mundus orbatur: Quid enim Africa de Regibus Aiae, aut quid Ethiopia de Principibus sentit Hespeia? Nam siu moriantur, siu viuant qui procul a te remoti sunt, utrumque indifferenter ignorant. Papa vero quia solus est omnium Ecclesiarum viuens Episcopus, cum luce priuatut, mors eius per ampla terrarum Regna diffunditur. Et sicut Sol, quia solus lucet, si eclyptum forte sustineat, prestat necesse est, ut tenebras totu rbiique mundas incurrit, sic Papa cum ex hac vita recedit, illuc quia unus in mundo est, longinqua Regnorum spatia mortis eius fama percurrit, & consequens est, ut quos tam sublimis, singularisque personae causa obturbar, propriæ quoque vocacionis exitum tremefactis visceribus expulcent. Haec omnia eloquens Damianus, ex quibus apparet amplitudine Romahii Pontificis, & quomodo (vt vistum est) a Damiano vocetur Rex Regum, & Princeps Imperatorum; non est igitur minus, si ipsi vna tantum, summus vero Pontifex tribus coronis decoretur, & adoratione ab ipsissimis Regibus, & Imperatotibus, & viuens orbe humiliter veneretur, ut superiorius satis probatum est.

RESOL. XVI.

An si aliquis Pontifex, (quod Deus auertat,) effet impius, scandalofus, &c. sit auctio modo, quo supra, a fidelibus adorandus? Ex part. 11. tract. addit. 1. Ref. etiam 16.

**S**atis igitur ex superiorius dictis firmatum remanserit ex vix perpetuo Ecclesiæ, & ex rationibus, ritè à Christi fidelibus Pontifici adorationem exhibitam ad Julianum pertinere; quam quidem adhibendam esse etiam Pontificibus (quod Deus auertat) malis, & scandalosis, omnino tenendum est. Nam dicta adoratio præbetur Pontifici ratione ministerij, & dignitatis, sed dignitas Pontificia manet adhuc in Pontifice impio, & scandaloso. Ergo ratione illius ministerij, & dignitatis adorandus etiam venit. Et idcirco Iohannes Caramuel *ubi supra de Hierar. Eccles.* lib. 1. disp. 60. num. 580. postquam declarauit quomodo adoratio competat Pontifici, subdit postea, talem adorationem non impediare fragilitatem humanae naturæ, & imperfectiones personales (nam & Summi Pontifices homines sunt, nec omnes a sinceritate laudantur) si enim è ligno putrido, & vernis dentibus terebrato formas crucem: inad (quod sine horrore vix pronunciem) si è Caini, aut Iudei, aut cuiuscumque aliis hominis dannati cineribus liquororum conficias quo Crucem † presentem efformes, non obstante

indignitate materiae, adorabo istam erucem, non secus ac Eucharistiam, quam Hæreticus proiecit in stercore; quoniam à materia præcindit mea deuotio figuram respici, & illam adorat vi q. 10, & per figuram tanquam per viam progrediens, ad Christum peruenit, quem adorat vi quod. Ergo imago intelligibilis est Christi Summus Pontifex, & licet (quod Deus auertat) non sit bonus, cultus, dignus. Ita Caramuel cui addit Theophilum Raynard, in *Onomast. Pontif. subiect. 3. frust. 6.* Ex quibus sequitur, quod nullus Pontifex potest deponi a Papatu propter quocumque crimina horronda, & scandalosa; feculso dilecto hæretis; & ita tradit Iacobus Granado in 2. D. Th. contru. 1. tr. 7. disp. 2. fct. 4. n. 20. & communiter schola Theologorum. Scio. Turrecrematam 1. 4. part. 2. cap. 37. adducere sententiam cuiusdam Marsiliij assertentis, quod si Papa sit incorrigibilis deponit etiam possit propter alia crimina preter hæretum, quam etiam sententiam videtur insinuare Gloria cap. Si Papa. 40. dif. & tenet hæretici nostri temporis, quos refert Bellarminus 1. 2. cap. 26.

2. Certissima tamen est conclusio, & absque errore negari non potest, quod Papa propter nullum aliud criminem preter hæretum possit deponi, quod propter Doctores cit. doct. ut semper solet, firmat Magister Io. de S. Th. in 2. 2. D. Th. disp. 8. art. 3. fol. 736. & aperte colligitur ista conclusio ex e. Si Papa. 40. dif. e. Ques. 2. q. 7. vbi dicitur Papam a nemine iudicari, nisi sit deus à fide, & Patres Concilij Sinuensis clara voce dixerint Marcellino: Tu teipsum iudica (quia videbunt illum resquiesce) quia prima sedes a nemine iudicatur. Et in Concilio Rom. sub. Silvestro dicitur: Papa nec à Regibus, nec ab Ecclesia, nec à toto Clero, neque a populo iudicatur. Et idem docuit Nicolaus Papa in epist. ad Michaelem Imperatorem, idemque habetur in Concil. Rom. sub. Sixto III. & in epist. Concil. Calcedonensis ad Marianum, & Valentiniatum Imperatores; & in epist. eiusdem Concilij ad Leonem Papam, qua habetur actione terita, damnatur Diocorus, eo quod in quadam conciliabulo voluerit ferre sententiam contra ipsum Leonem Papam; cum Papa a nemine debeat iudicari.

3. Et ratione probatum haec opinio, quia Romanus Pontifex est caput Ecclesiæ, ergo non potest iudicari à tota Ecclesia, quia est inferior; neque à iure; quia auctor illi est aequalis nec denique ab Imperatore (vt dicunt hæretici nostri temporis) quandoquidem fæcularis potestas etiam si Imperatoris sit; inferior multò est, quam spiritualis, quæ residet in Papa, vnde in *Conf. Milenii, can. 19.* prohibetur causa Clericorum deferri ad Reges, vel Imperatores, vel ad iudices faculatus, quare Constantinus Magnus in *Conf. Nicen.* (vt refert Ruffinus 1. 10. cap. 13.) noluit audire, neque iudicare causas Episcoporum; & Basilius Imperator in *or. qnam habuit in fine VIII. Synodi aperi* hanc veritatem est confessus:

4. Nec obstat dicere cum hæreticis, multa adesse exempla, in quibus Iudices fæculares causas cognoverunt Ecclesiasticorum. Imò cum Pilatus dixisset Christo, nescis quia potestatem habeo, &c. Christus respondit *Io. 19.* Non haberes potestatem aduersus me vilian, nisi tibi datum esset deluper: Et Paulus *Act. 22.* dixit: Ad tribunal Cæsaris sto, vbi oportet me iudicari; Cæsarem appello; ergo si Pilatus respectu Christi habuit potestatem, & Cæsar respectu Pauli, multò magis iudices fæculares respectu Summi Pontificis. Respondet ut ad primum exemplum, Pilatum fuisse indicem de facto, non tamen de iure respectu Christianam sicut Christus patiente volunt sustinere mortem, & crucifixi, ita volunt similiiter ab homine iudicari, sicut *Mauth. 27.* volunt solitè

erubutum